



Broj: 05-02-1-1759-7/24

Sarajevo, 18. 8. 2025. godine

PARLAMENTARNA SKUPŠTINA BiH

- Zastupnički dom -

- Dom naroda -

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 20-08-2025			
Organizaciona jedinica	Klasifikaciona oznaka	Redni broj	Broj priloga
01, 02	02-1-1853/25		

12¹²
B

PREDMET: Prijedlog zakona o zaštiti topografija
polivodičkih proizvoda, *dostavlja se*

Poštovani,

Vijeće ministara Bosne i Hercegovine, na 82. sjednici, održanoj 16.6.2025. godine, na prijedlog Instituta za intelektualno vlasništvo Bosne i Hercegovine, usvojilo je Prijedlog zakona o zaštiti topografija poluvodičkih proizvoda, te je zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po skraćenom zakonodavnom postupku.


U opredjeljenju da se razmatranje i usvajanje Prijedloga zakona o zaštiti topografija poluvodičkih proizvoda predloži po skraćenom postupku, Vijeće ministara Bosne i Hercegovine uvažilo je navode Instituta za intelektualno vlasništvo Bosne i Hercegovine da se Prijedlog navedenog zakona označi oznakom „P.Z.E.I.“, kako bi isti bio razmatran po skraćenom zakonodavnom postupku, sukladno odredbama članka 134. stavak (1) Poslovnika Zastupničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24 i 73/24) i članka 125. stavak (1) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15, 53/16 i 71/24).

U svezi prednje navedenog, u prilogu dostavljamo Prijedlog zakona o zaštiti topografija poluvodičkih proizvoda, na bosanskom, hrvatskom i srpskom jeziku te latiničnom i ćirilicnom pismu, kao i njegovu elektroničku verziju.

Istovremeno, dostavljamo Obavjest o zaključku Vijeća ministara Bosne i Hercegovine, broj: 05-07-1-1434-2/25 od 18.6.2025. godine, obrazloženje Prijedloga zakona, Obrazac broj 1 – prethodne procjene učinka propisa i Obrazac 2a o fiskalnoj procjeni, sukladno Jedinstvenim pravilima za izradu pravnih propisa u institucijama Bosne i Hercegovine, pribavljena mišljenja nadležnih institucija: Ureda za zakonodvstvo Vijeća ministara Bosne i Hercegovine, Ministarstva financija i trezora Bosne i Hercegovine, Ministarstva pravde Bosne i Hercegovine, Ministarstva za ljudska prava i izbjeglice Bosne i Hercegovine Direkcije za europske integracije Vijeća ministara Bosne i Hercegovine i Agencije za zaštitu osobnih podataka u Bosne i Hercegovine.

S poštovanjem,

Privitak: - Kao u tekstu -



Dostaviti:

- naslovu
- a/a

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine na __ sjednici Predstavničkog doma održanoj __ 202_. godine i na __ sjednici Doma naroda, održanoj __ 202_., usvojila je

**ZAKON
O ZAŠTITI TOPOGRAFIJA
POLUPROVODNIČKIH PROIZVODA**

DIO PRVI - OPĆE ODREDBE

**Član 1.
(Predmet Zakona)**

- (1) Ovim zakonom uređuju se topografije poluprovodničkih proizvoda, uslovi zaštite topografija poluprovodničkog proizvoda, prava njenog stvaraoca, odnosno stvaraočevog poslodavca ili lica koje je naručilo njenu izradu, kao i način i ostvarivanje tog prava.
- (2) Zakon o zaštiti topografija poluprovodničkih proizvoda usklađuje se s odredbama sljedećih propisa Evropske unije:
 - a) Direktivom Vijeća br. 1987/54/EEZ od 16. decembra 1986. godine o pravnoj zaštiti topografija poluprovodničkih proizvoda,
 - b) Direktivom 2004/48/EZ Evropskog parlamenta i Vijeća o provođenju prava intelektualnog vlasništva (SL L 157, 30. 4. 2004.).
- (3) Navođenje odredbi direktiva iz stava (2) ovog člana vrši se isključivo u svrhu praćenja i informisanja o preuzimanju pravne stečevine Evropske unije u zakonodavstvo Bosne i Hercegovine.

**Član 2.
(Upotreba izraza u muškom i ženskom rodu)**

Riječi koje su radi preglednosti u ovom zakonu navedene u jednom rodu bez diskriminacije se odnose i na muški i na ženski rod.

**Član 3.
(Definicije pojmova)**

- (1) Poluprovodnički proizvod, u smislu ovog zakona, jest gotov proizvod ili međuproizvod namijenjen za izvršenje određene elektronske funkcije, isključivo ili zajedno s drugim funkcijama, koji se sastoji od sloja poluprovodničkog materijala i od jednog ili više drugih slojeva provodnog, izolacijskog ili poluprovodničkog materijala, raspoređenih s unaprijed utvrđenim trodimenzionalnim uzorkom.

- (2) Topografija poluprovodničkog proizvoda (u daljnjem tekstu: topografija), u smislu ovog zakona, jest skup povezanih slika, fiksiranih ili kodiranih na bilo koji način, koje predstavljaju trodimenzionalni uzorak slojeva od kojih je poluprovodnički proizvod sastavljen, pri čemu svaka slika prikazuje uzorak ili dio uzorka površine poluprovodničkog proizvoda u bilo kojoj fazi njegove proizvodnje.
- (3) Komercijalna upotreba označava prodaju, iznajmljivanje ili bilo koji drugi način komercijalnog stavljanja u promet zaštićene topografije, uključujući i njeno nudienje u te svrhe. Prva komercijalna upotreba topografije ne uključuje njenu upotrebu pod uslovom povjerljivosti, ako se ona ne stavlja dalje u promet.

Član 4. **(Predmet i uslovi zaštite)**

- (1) Predmet zaštite je izvorna topografija u smislu da je rezultat intelektualnog napora njenog stvaraoca i da u vrijeme nastanka nije bila općepoznata u industriji poluprovodničkih proizvoda.
- (2) Topografija koja se sastoji od elemenata i međuveza koji su uobičajeni u industriji poluprovodničkih proizvoda može biti zaštićena samo ako, posmatrano u cjelini, ispunjava uslove iz stava (1) ovog člana.

Član 5. **(Individualni karakter kao uslov zaštite)**

- (1) Trodimenzionalne strukture topografije štite se u skladu s ovim zakonom ako i u mjeri u kojoj imaju individualni karakter, a to se odnosi i na nezavisno korištene dijelove, kao i na prikaze za izradu topografija.
- (2) Topografija ima individualni karakter ako se, kao rezultat intelektualnog rada, ne proizvodi samo repliciranjem druge topografije i nije uobičajena pojava.
- (3) Ako se topografija sastoji od rasporeda svakodnevnih dijelova, ona se štiti do te mjere da raspored u cjelini ima individualni karakter.
- (4) Zaštita iz stava (1) ne odnosi se na nacрте, procese, sisteme, tehnike na kojima se zasniva topografija ili na informacije pohranjene u mikroelektronskom poluprovodničkom proizvodu, već samo na topografiju kao takvu.

Član 6. **(Rokovi za zaštitu)**

- (1) Zaštita topografije može se tražiti u roku od dvije godine od datuma njene prve komercijalne upotrebe bilo gdje u svijetu.
- (2) Ako topografija nije komercijalno korištena bilo gdje u svijetu, zaštita topografije može se tražiti u roku od 15 godina od dana njenog nastanka.

Član 7.
(Subjekti zaštite)

- (1) Pravo na zaštitu topografije ima njen stvaralac, odnosno njegov pravni sljednik. Ako je topografiju stvorilo više stvaralaca, njima pripada zajedničko pravo na zaštitu.
- (2) Ako je topografija nastala u radnom odnosu ili po narudžbi, pravo zaštite topografije ima poslodavac, odnosno osoba koja je naručila njenu izradu, osim ako je ugovorom drugačije predviđeno.

Član 8.
(Nacionalni tretman)

- (1) Zaštitu prema ovom zakonu uživaju fizička i pravna lica koja:
 - a) su državljani Bosne i Hercegovine,
 - b) imaju prebivalište ili sjedište u Bosni i Hercegovini, ili
 - c) su na teritoriji Bosne i Hercegovine prva komercijalno koristila topografiju koja do tada nije bila komercijalno korištena bilo gdje u svijetu.
- (2) Strana fizička i pravna lica uživaju jednaku zaštitu kao i lica iz stava (1) ovog člana ako to proizlazi iz međunarodnih ugovora i konvencija kojima je pristupila, odnosno koje je ratificirala Bosna i Hercegovina, ili iz primjene principa uzajamnosti.
- (3) Pravo na zaštitu topografije priznato na osnovu ovog zakona vrijedi samo za teritoriju Bosne i Hercegovine.

DIO DRUGI - POSTUPAK ZA ZAŠTITU

Član 9.
(Opće odredbe)

- (1) Postupak za zaštitu topografije vodi Institut za intelektualno vlasništvo Bosne i Hercegovine (u daljnjem tekstu: Institut).
- (2) Institut u elektronskom obliku vodi registar topografija.
- (3) Za sve radnje preduzete u upravnom postupku za sticanje i održavanje prava na zaštitu topografije plaćaju se administrativne takse i naknade posebnih troškova postupka, prema posebnim propisima.
- (4) Ako propisana administrativna taksa i naknada posebnih troškova postupka nisu plaćene u propisanom roku, prijava se zaključkom odbacuje.
- (5) Na pitanja koja nisu uređena ovim zakonom i provedbenim propisima primjenjuju se odredbe zakona kojima se uređuje upravni postupak na nivou Bosne i Hercegovine.
- (6) Protiv odluka Instituta žalba nije dozvoljena, ali se može pokrenuti upravni spor pred Sudom BiH.

- (7) Direktor Instituta pravilnikom propisuje sadržaj i način vođenja registra iz stava (2) ovog člana.

Član 10.
(Zastupanje)

- (1) Zastupanjem u postupku zaštite topografije koji se vodi pred Institutom mogu se baviti ovlašteni zastupnici, tj. fizička i pravna lica upisana u registar patentnih zastupnika, koji u elektronskom obliku vodi Institut.
- (2) Strano fizičko ili pravno lice koje nema prebivalište, odnosno stvarno i aktivno industrijsko ili trgovačko poslovno sjedište u Bosni i Hercegovini, u postupku zaštite topografije mora zastupati zastupnik iz stava (1) ovog člana.

Član 11.
(Podnošenje prijave za zaštitu topografije)

- (1) Postupak za zaštitu topografije pokreće se podnošenjem Institutu prijave za zaštitu topografije (u daljnjem tekstu: prijava).
- (2) Institut ne provjerava ima li podnosilac prijave pravo podnijeti prijavu.
- (3) Za svaku topografiju podnosi se posebna prijava.

Član 12.
(Sadržaj prijave)

- (1) Prijava sadrži zahtjev za priznanje prava na zaštitu topografije i priloge.
- (2) Zahtjev za priznanje prava na zaštitu topografije sadrži:
- a) naziv topografije ili pobliže označavanje područja topografije,
 - b) podatke o podnosiocu prijave,
 - c) podatke o zastupniku podnosioca prijave, ako postoji,
 - d) datum podnošenja prijave,
 - e) datum nastanka topografije, ako topografija nije bila komercijalno korištena, ili datum i mjesto kada je topografija prvi put komercijalno korištena bilo gdje u svijetu.
- (3) Uz zahtjev za priznanje prava na zaštitu topografije podnose se sljedeći prilozi:
- a) opis topografije s podacima koji definišu elektronsku funkciju koju izvršava poluprovodnički proizvod izrađen prema topografiji,
 - b) grafički prikaz ili prikaz topografije u drugom odgovarajućem obliku kojim se topografija identifikuje, posebno nacrt ili fotografije planova za izradu poluprovodničkog proizvoda prema topografiji, za koju se traži zaštita,
 - c) primjerak poluprovodničkog proizvoda proizvedenog prema topografiji za koju se traži zaštita, ako je poluprovodnički proizvod komercijalno korišten,

- d) dokaz o komercijalnoj upotrebi topografije, ako je topografija komercijalno korištena.
- (4) Direktor Instituta pravilnikom propisuje oblik i sadržaj zahtjeva za priznanje prava na zaštitu topografije, sadržaj priloga koji se podnose uz zahtjev.

Član 13.
(Dijelovi prijave koji nisu dostupni javnosti)

- (1) Podnosilac prijave može pri njenom podnošenju tražiti da dijelovi priloga iz člana 12. stava (3) tačke b) ovog zakona, koji predstavljaju poslovnu tajnu, ne budu dostupni trećim licima, pod uslovom da su ostali dijelovi spomenutog priloga dovoljni za identifikaciju topografije.
- (2) Sud može naložiti otkrivanje dijelova priloga iz stava (1) ovog člana licima koja su uključena u upravni ili sudski postupak koji se odnosi na utvrđivanje ništavosti rješenja o priznanju prava na zaštitu topografije ili na povredu prava na zaštitu topografije, ako je to neophodno za provođenje postupka.

Član 14.
(Ispitivanje prijave)

- (1) Nakon zaprimanja prijave Institut ispituje je li predmet prijave topografija u smislu člana 3. stava (2) ovog zakona i je li prijava podnesena u roku iz člana 6. ovog zakona.
- (2) Nakon što utvrdi ispunjenost uslova iz stava (1) ovog člana Institut ispituje:
- a) ako je podnosilac prijave strano lice, je li prijava podnijeta posredstvom zastupnika u smislu člana 8. ovog zakona,
 - b) je li podnesena posebna prijava za svaku topografiju u smislu člana 11. stava (3) ovog zakona,
 - c) sadrži li prijava sve podatke iz zahtjeva za priznanje prava i priloge u smislu člana 12. st. (2) i (3) ovog zakona,
 - d) jesu li plaćene administrativne takse i naknade posebnih troškova postupka za prijavu iz člana 9. stava (3) ovog zakona,
 - e) sadrže li zahtjev za priznanje prava na zaštitu topografije i prilozi koji se podnose uz taj zahtjev propisane elemente u smislu člana 12. stava (4) ovog zakona.
- (3) Ako prijava nije podnijeta u roku iz člana 6. ovog zakona, Institut će donijeti zaključak o odbacivanju prijave.
- (4) Ako Institut, na osnovu provedenog postupka ispitivanja prijave iz st. (1) i (2) ovog člana, utvrdi da predmet prijave nije topografija u smislu člana 2. stava (2) ovog zakona, odnosno da prijava nije podnijeta u skladu s odredbom stava (2) ovoga člana, on će u roku od 30 dana od dana podnošenja prijave pozvati podnosioca prijave da otkloni uočene nedostatke i ostaviti mu rok koji ne može biti kraći od 30 dana niti duži od 90 dana.
- (5) Ako podnosilac prijave ne otkloni nedostatke iz stava (4) ovog člana u ostavljenom roku, Institut će donijeti zaključak kojim se prijava odbacuje.

- (6) Datum zaprimanja uredne prijave u Institutu priznaje se kao datum podnošenja prijave.
- (7) Prijava kojoj je priznat datum podnošenja upisuje se u registar topografija iz člana 10. stava (2) ovog zakona.

Član 15.
(Priznanje prava na zaštitu topografije)

- (1) Ako Institut po provedenom postupku ispitivanja prijave iz člana 14. st. (1) i (2) ovog zakona utvrdi da su ispunjeni uslovi za priznanje prava, donijet će rješenje o priznanju prava na zaštitu topografije.
- (2) Priznato pravo na zaštitu topografije upisuje se u registar topografija.
- (3) Nakon upisa topografije u registar, nosiocu prava izdaje se isprava o pravu na zaštitu topografije. Sadržaj isprave o pravu na zaštitu topografije pobliže se uređuje provedbenim propisom.
- (4) Podaci iz registra topografije objavljuju se u „Službenom glasniku Instituta“ (u daljnjem tekstu: službeno glasilo).
- (5) Direktor Instituta pravilnikom propisuje oblik i sadržaj isprave iz stava (3) te sadržaj objave iz stava (4) ovog člana.

Član 16.
(Stavljanje topografije na uvid javnosti)

- (1) Od upisa prava u registar topografija svako ima pravo, na osnovu pisanog zahtjeva i u prisutnosti službene osobe, u prostorijama Instituta pregledati prijavu i dobiti kopiju zahtjeva za priznanje prava na zaštitu topografije i priloga iz člana 12. stava (3) tač. a), b) i d) ovog zakona.
- (2) Direktor Instituta pravilnikom propisuje postupak iz stava (1) ovog člana.

DIO TREĆI - ISKLJUČIVA PRAVA, OGRANIČENJE, TRAJANJE I PROMET PRAVA

Član 17.
(Isključiva prava)

- (1) Nosilac prava na zaštitu topografije ima isključivo pravo dozvoliti ili zabraniti drugom da:
 - a) umnožava zaštićenu topografiju u cjelini ili njene bitne dijelove,
 - b) proizvodi poluprovodnički proizvod koji sadrži zaštićenu topografiju ili njene bitne dijelove,

- c) uvozi, nudi radi stavljanja u promet, stavlja u promet ili na drugi način komercijalno koristi ili uvozi za te svrhe primjerke zaštićene topografije ili njenih bitnih dijelova, poluprovodnički proizvod u kojem je sadržana zaštićena topografija ili njeni bitni dijelovi, kao i proizvode u kojima je ugrađen poluprovodnički proizvod koji sadrži zaštićenu topografiju ili njene bitne dijelove.
- (2) Za vrijeme trajanja prava na zaštitu topografije nosilac je ovlašten označavati poluprovodnički proizvod koji je proizveden upotrebom zaštićene topografije velikim slovom „T“.

Član 18. **(Ograničenje prava)**

- (1) Ne smatra se povredom prava iz člana 17. stava (1) tačke a) ovog zakona umnožavanje topografije:
- a) za ličnu upotrebu u nekomercijalne svrhe,
 - b) za nastavu koja se odnosi na topografiju, kao i za stručne analize ili istraživanja.
- (2) Ne smatra se povredom prava iz člana 17. ovog zakona ako određena osoba, na osnovu analize ili istraživanja zaštićene topografije, stvori topografiju koja ispunjava uslove iz člana 4. ovog zakona i takvu topografiju koristi na način iz člana 16. ovog zakona.

Član 19. **(Komercijalna upotreba zaštićene topografije bez saglasnosti nosioca prava)**

- (1) Lice koje pri sticanju poluprovodničkog proizvoda nije znalo ili nije imalo opravdani razlog vjerovati da je riječ o proizvodu na kojem postoji tuđe pravo na zaštitu topografije ne može se spriječiti da komercijalno koristi taj proizvod.
- (2) Lice iz stava (1) ovog člana dužno je platiti odgovarajuću naknadu za komercijalnu upotrebu zaštićene topografije, koja uslijedi nakon što je to lice saznalo ili je imalo opravdani razlog vjerovati da je riječ o proizvodu na kojem postoji tuđe pravo na zaštitu topografije. Sud određuje odgovarajuću naknadu, osim ako stranke riješe spor pregovorima, posredovanjem ili na drugi pravno obavezujući način.
- (3) Odredbe st. (1) i (2) ovog člana odnose se i na pravne sljednike lica koje je steklo poluprovodnički proizvod na kojem postoji tuđe pravo na zaštitu topografije.

Član 20. **(Isprpljenje prava)**

Ne smatraju se povredom prava radnje iz člana 17. stava (1) tačke c) ovog zakona ako se odnose na primjerak zaštićene topografije, odnosno na poluprovodnički proizvod koji sadrži zaštićenu topografiju, koju je prvi put stavio u promet u Bosni i Hercegovini nosilac prava, ili lice koje ima njegovu saglasnost, odnosno nakon pristupanja Evropskoj uniji na području neke od država Evropske unije, odnosno država koje su stranke ugovornice Ugovora o Evropskom ekonomskom prostoru, lice koje je ovlašteno odobriti komercijalno iskorištavanje topografije ili neko drugi uz njegovu saglasnost.

Član 21.
(Trajanje prava)

- (1) Rok trajanja prava zaštite topografije počinje od priznatog datuma podnošenja prijave za registraciju topografije ili od dana prve komercijalne upotrebe topografije bilo gdje u svijetu, zavisno od toga koji je dan raniji.
- (2) Isključivo pravo na zaštitu topografije prestaje istekom kalendarske godine u kojoj se navršava deset godina od dana početka roka iz stava (1) ovog člana.

Član 22.
(Prijenos prava i licenci)

- (1) Pravo na zaštitu topografije može biti, u cjelini ili djelomično, predmet prijenosa na osnovu ugovora o prijenosu ili na osnovu nasljeđivanja.
- (2) Pojedina ili sva ovlaštenja iz prava na zaštitu topografije mogu, s ograničenjima ili bez njih, biti predmet ustupanja na osnovu ugovora o licenci.
- (3) Ugovori iz st. (1) i (2) ovog člana pravovaljani su samo ako su sastavljeni u pisanom obliku.
- (4) Na zahtjev jedne od ugovornih stranaka, podaci o ugovorima iz st. (1) i (2) ovog člana upisuju se u registar topografija.
- (5) Prijenos prava, odnosno ugovorni odnosi iz st. (1) i (2) ovog člana imaju djelovanje prema trećim osobama samo ako su upisani u registar topografija.
- (6) Direktor Instituta pravilnikom propisuje sadržaj upisa u registar topografija, koji se upisuju u skladu s odredbama st. (1) i (2) ovog člana.

**DIO ČETVRTI - PROGLAŠAVANJE NIŠTAVIM RJEŠENJA O PRIZNANJU PRAVA
NA ZAŠTITU TOPOGRAFIJE**

Član 23.
(Ovlaštenje za pokretanje postupka i razlozi za ništavost)

- (1) Institut će na prijedlog zainteresirane osobe ili po službenoj dužnosti proglasiti ništavim rješenje o priznanju prava na zaštitu topografije ako utvrdi da u trenutku donošenja rješenja:
 - a) predmet zaštite nije bila topografija u smislu članka 3. stavka (2) ovog zakona,
 - b) topografija nije ispunjavala uslove za zaštitu u smislu članka 5. ovog zakona,
 - c) prijava nije bila podnesena u roku iz člana 6. ovoga zakona,
 - d) nosilac prava na topografiju nije imao pravo na zaštitu u smislu čl. 7. i 8. ovog zakona,
 - e) prilozi iz člana 12. stava (3) ovog zakona nisu imali propisane elemente, odnosno nisu odgovarali topografiji za koju je zatražena zaštita.

- (2) Postupak za proglašavanje ništavim rješenja o priznanju prava na zaštitu topografije može se pokrenuti pred Institutom tokom cijelog roka trajanja prava na zaštitu topografije.
- (3) Ako podnosilac prijedloga za proglašavanje ništavim rješenja o priznanju prava na zaštitu topografije tokom postupka odustane od svog zahtjeva, Institut može nastaviti postupak po službenoj dužnosti.

Član 24. **(Ograničenje djelovanja poništenja)**

Poništenje rješenja o priznanju prava zaštite topografije nema retroaktivno djelovanje na pravosnažne sudske odluke u vezi s utvrđivanjem povrede prava, kao ni na sklopljene ugovore o prijenosu prava, odnosno ustupanju licence, ako su i u mjeri u kojoj su ti ugovori izvršeni, pod uslovom da je nosilac prava bio savjestan.

DIO PETI – PRIJELAZNE I ZAVRŠNE ODREDBE

Član 25. **(Usklađena primjena Zakona o patentu)**

Odredbe Zakona o patentu kojima se uređuju: ovlaštenje za zastupanje, postupak za proglašavanje ništavim rješenja o priznanju prava, prestanak prava zaloga, izvršenje, stečaj, građanskopravna zaštita prava i carinske mjere na odgovarajući se način primjenjuju na topografije koje su predmet zaštite prema ovom zakonu.

Član 26. **(Primjena Zakona)**

- (1) Odredbe ovog zakona primjenjuju se samo na topografije koje su nastale nakon datuma početka njegove primjene.
- (2) Postupci pokrenuti do dana početka primjene ovog zakona dovršit će se prema odredbama Zakona o zaštiti topografije integriranog kola („Službeni glasnik BiH“, broj 53/10).

Član 27. **(Propisi za primjenu ovog zakona)**

- (1) Direktor Instituta donijet će pravilnik za provođenje ovog zakona do dana određenog za njegovu primjenu.
- (2) Direktor Instituta podnijet će nadležnim institucijama prijedlog izmjena propisa kojima se uređuju takse i naknade posebnih troškova u postupku sticanja i održavanja, kako bi se uskladili s odredbama ovog zakona, dva mjeseca od njegova stupanja na snagu.
- (3) Prijedlog za izmjenu propisa kojima se uređuju takse podnosi se Ministarstvu finansija i trezora Bosne i Hercegovine, a Odluku o posebnim troškovima postupka, na prijedlog direktora Instituta, donosi Ministarstvo vanjske trgovine i ekonomskih odnosa.

Član 28.
(Prestanak rada Komisije za žalbe)

- (1) Početkom primjene ovog zakona Komisija za žalbe osnovana i imenovana prema Zakonu o zaštiti topografije integriranog kola („Službeni glasnik BiH“, broj 53/10) prestaje s radom.
- (2) Komisija za žalbe nastavlja s radom u skladu s odredbama Zakona iz tačke (1) ovog člana i propisa donijetih na osnovu tog zakona dok svi upravni postupci iz stava (2) člana 26. ovog zakona ne budu pravosnažno riješeni, nakon čega prestaje s radom.

Član 29.
(Zaštita ličnih podataka)

Prilikom primjene ovog zakona, obrada ličnih podataka provodit će se u skladu s propisima kojima se uređuje zaštita ličnih podataka u Bosni i Hercegovini.

Član 30.
(Prestanak važenja zakona)

Početkom primjene ovog zakona prestaje važiti Zakon o zaštiti topografije integriranog kola („Službeni glasnik BiH“, broj 53/10).

Član 31.
(Stupanje na snagu i primjena)

Ovaj zakon stupa na snagu osmog dana od dana objave u „Službenom glasniku BiH“, a primjenjuje se po isteku godine dana od dana stupanja na snagu.

Broj _____/25
_____ 2025. godine
Sarajevo

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

O B R A Z L O Ž E N J E

I USTAVNOPRAVNI I ZAKONSKI OSNOV

Ustavni osnov za donošenje ovog zakona sadržan je u članu IV 4. (a) Ustava Bosne i Hercegovine prema kojem je Parlamentarna skupština Bosne i Hercegovine nadležna da donese zakone koji su potrebni za provođenje odluka Predsjedništva, ili za vršenje funkcija Skupštine predviđenih Ustavom, i članu III 1. (a) Ustava Bosne i Hercegovine, kojim je regulisano da su institucije Bosne i Hercegovine nadležne za vanjsku politiku.

Zakonski osnov sadržan je u članu 30. stavu (2) Zakona o vanjskotrgovinskoj politici BiH („Službeni glasnik BiH“, br. 7/98 i 35/04), kojim je utvrđeno da su aspekti prava intelektualnog vlasništva vezani za vanjsku trgovinu u nadležnosti institucija Bosne i Hercegovine. Pod terminom „aspekti prava intelektualnog vlasništva vezani za vanjsku trgovinu“ podrazumijeva se osiguranje adekvatnih standarda i principa u vezi s raspoloživošću, obimom i upotrebom prava intelektualnog vlasništva vezanim za vanjsku trgovinu, kao i osiguranje efikasnih i odgovarajućih sredstava za provođenje prava intelektualnog vlasništva u skladu s obavezama iz trgovinskih sporazuma u kojima je Bosna i Hercegovina jedna od stranaka.

Članom 7. stavom (1) tačkom aa) Zakona o osnivanju Instituta za intelektualno vlasništvo Bosne i Hercegovine („Službeni glasnik BiH“, broj 43/04) utvrđeno je da je Institut za intelektualno vlasništvo Bosne i Hercegovine u području zaštite industrijskog vlasništva nadležan za vođenje upravnih poslova koji se odnose na zaštitu topografije integriranih kola (Layout-Designs). U istom članu stavu (1) tački cc) Zakona utvrđeno je da poslovi u području zaštite intelektualnog vlasništva obuhvataju pripremanje bilateralnih i multilateralnih sporazuma, konvencija, sporazuma, zakona i drugih propisa iz područja intelektualnog vlasništva.

II RAZLOZI ZA DONOŠENJE ZAKONA

Važeći Zakon o zaštiti topografije integriranog kola („Službeni glasnik BiH“, broj 53/10) uređuje područje topografija poluprovodničkih proizvoda. Stupanjem na snagu navedenog Zakona omogućeno je svim zainteresiranim licima ostvarivanje njihovih prava i interesa na teritoriji Bosne i Hercegovine u području zaštite planova rasporeda integriranih kola u okviru sistema intelektualnog vlasništva. Uz definisanje osnovnih pojmova, uređena su sljedeća pitanja: pravo na zaštitu, uslovi i postupak ostvarivanja zaštite, efekti zaštite i ograničenja od zaštite, početak i trajanje zaštite planova rasporeda integriranih kola. Budući da je Bosna i Hercegovina, u okviru procesa stabilizacije i pridruživanja Evropskoj uniji, kako je propisano odredbom člana 71. Sporazuma o stabilizaciji i pridruživanju, obavezna garantovati nivo zaštite intelektualnog vlasništva sličnu nivou koji postoji u Evropskoj uniji, pa tako i uskladiti propise u području zaštite topografija poluprovodničkih proizvoda, ocijenjeno je da je potrebno donijeti novi zakon o zaštiti topografija poluprovodničkih proizvoda kojim bi se postigao potreban stepen usklađenosti s Direktivom Vijeća br. 1987/54/EEZ od 16. decembra 1986. godine o pravnoj zaštiti topografija poluprovodničkih proizvoda.

Slijedom naprijed navedenog, postojeće stanje u području zaštite topografija poluprovodničkih kola je sljedeće: predmet zaštite važećeg Zakona o topografiji integriranog kola, kao što mu i sam naziv govori, jesu planovi rasporeda integriranih kola, dok su predmet zaštite Direktive Vijeća br. 1987/54/EEZ topografije poluprovodničkih proizvoda. Nadalje, tekst Zakona o zaštiti topografije integriranog kola sadrži i određenu terminologiju koja nije u skladu s terminologijom koju koristi Direktiva Vijeća br. 1987/54/EEZ, tekst pojedinih članova Zakona nije dovoljno precizan, a uz to tekst Zakona ne sadrži određene odredbe koje su sastavni dio Direktive Vijeća br. 1987/54/EEZ.

Donošenjem predloženog Zakona osiguralo bi se:

- udovoljavanje svim zahtjevima koji proizlaze iz međunarodnih ugovora, sporazuma i konvencija koji obavezuju Bosnu i Hercegovinu;
- udovoljavanje svim zahtjevima koji kao obavezni proizlaze iz Direktive Vijeća br. 1987/54/EEZ od 16. decembra 1986. godine o pravnoj zaštiti topografija poluprovodničkih proizvoda;
- stvaranje realnih uslova za prilagođavanje privrede Bosne i Hercegovine savremenim privredama, posebno privredi Evropske unije;
- stvaranje uslova za svestraniji razvoj Bosne i Hercegovine, kao pretpostavke za njeno punopravno članstvo u Evropskoj uniji.

Predloženim Zakonom o zaštiti topografija poluprovodničkih proizvoda pravni sistem Bosne i Hercegovine u području intelektualnog vlasništva još se više približava evropskom pravnom sistemu zaštite prava intelektualnog vlasništva, a što za posljedicu ima ispunjavanje potrebnih uslova za integrisanje Bosne i Hercegovine u jedinstveni sistem intelektualnog vlasništva Evropske unije. Nadalje, novim Zakonom o zaštiti topografija poluprovodničkih proizvoda u još većoj mjeri se osigurava preduzetnička i tržišna sloboda kao osnov privrednog uređenja Bosne i Hercegovine. Predloženim Zakonom uređuje se područje zaštite topografija poluprovodničkih proizvoda na principima koje primjenjuju države članice Evropske unije, čime se stvaraju pretpostavke za brži i lakši ulazak stranog kapitala u Bosnu i Hercegovinu budući da se novim Zakonom osigurava nivo zaštite sličan onom u Evropskoj uniji, što za posljedicu ima i veću pravnu sigurnost za potencijalne sticatelje prava na topografije poluprovodničkih proizvoda u Bosni i Hercegovini.

OBRAZLOŽENJE PREDLOŽENIH PRAVNIH RJEŠENJA:

Članovi 1. i 3.

Sadržane su odredbe kojima se uređuje predmet Zakona i definišu se pojmovi kojima se utvrđuju značenja određenih izraza iz zakona koji se predlaže.

Članovi 4. do 9.

Propisuju predmet i uslove zaštite topografije poluprovodničkog proizvoda (nadalje: topografija), krug titulara isključivih prava na topografiju, te prava stranih fizičkih i pravnih lica na zaštitu topografije u Bosni i Hercegovini.

Član 10.

Propisuje obavezu stranih fizičkih i pravnih lica koja nemaju prebivalište, odnosno sjedište u Bosni i Hercegovini, da u postupku zaštite topografije moraju imati zastupnika koji se profesionalno bavi zastupanjem i koji je upisan u registar patentnih zastupnika.

Članovi 11. do 14.

Propisuje se nadležnost Instituta za intelektualno vlasništvo Bosne i Hercegovine za vođenje postupka registracije topografije. Nadalje, propisuju se uslovi za ostvarenje zaštite u postupku pred Institutom, sadržaj prijave topografije, postupak ispitivanja prijave za registraciju topografije te obaveza direktora Instituta da donese pravilnik kojim se pobliže utvrđuje oblik i sadržaj zahtjeva za priznanje prava na zaštitu topografije i sadržaj priloga koji se podnose uz zahtjev. Propisuje se pravo podnosioca prijave da određene dijelove prijave učini nedostupnim javnosti ukoliko imaju karakter poslovne tajne.

Član 15.

Propisuju se uslovi za donošenje rješenja o registraciji topografije, upis u registar topografija i objavljivanje podataka o registriranoj topografiji u „Službenom glasniku Instituta“.

Član 16.

Propisuje se mogućnost davanja topografije na uvid javnosti, direktoru Instituta utvrđuje se obaveza pravilnikom propisati način odvijanja tog postupka.

Član 17.

Utvrdjuju se isključiva prava nosioca na zaštićenu topografiju, i to pravo davanja odobrenja ili zabranjivanja radnje umnožavanja topografije, radnje uvoza, prodaje ili drugoga načina stavljanja u promet topografije ili proizvoda proizvedenog upotrebom zaštićene topografije. Za vrijeme trajanja prava na zaštitu topografije nosilac je ovlašten označavati poluprovodnički proizvod koji je proizveden upotrebom zaštićene topografije velikim slovom „T“.

Član 18. i 19.

Preciziraju se radnje koje se mogu preduzimati bez odobrenja nosioca isključivih prava, kao radnja umnožavanja zaštićene topografije u nekomercijalne svrhe, radnja umnožavanja zaštićene topografije radi analiziranja, istraživanja, procjene ili učenja o konceptima, procesima, sistemima ili tehnikama sadržanim u topografiji ili same topografije poluprovodničkog proizvoda. Uređuje se i pravo koje se odnosi na uslove pod kojima se efekat zaštite neće protezati na lica koja su u dobroj vjeri stekla poluprovodnički proizvod koji sadržava zaštićenu topografiju i koja su distribuirala proizvod bez odobrenja nosioca prava, kao i propisi u vezi s postupanjem koje može preduzeti nosilac prava zaštićene topografije kada je odnosna osoba saznala ili kada je imala razlog vjerovati da je riječ o zaštićenoj topografiji.

Član 20.

Propisuje se iscrpljenje prava koje podrazumijeva da nosilac prava iscrpljuje svoja isključiva prava na davanje odobrenja ili zabranjivanje zakonom propisanih radnji navedenih nakon što je zaštićeni proizvod prvi put stavljen na tržište od strane nosioca prava ili uz njegovo izričito odobrenje.

Član 21.

Propisuje se trajanje prava na zaštitu koje nastupa od datuma prvog komercijalnog iskorištavanja topografije bilo gdje u svijetu, ili datuma podnošenja prijave za registraciju topografije kod Instituta za intelektualno vlasništvo Bosne i Hercegovine.

Član 22.

Propisuju se oblici i uslovi prometa prava na topografiju. Prijenos prava, odnosno ugovorni odnosi na kojima se zasniva imaju djelovanje prema trećim licima samo ako su upisani u registar topografije. Direktor Instituta propisuje se obaveza da pravilnikom pobliže utvrdi sadržaj tog upisa u registar topografija.

Članovi 23. i 24.

Propisuje se ovlaštenje za pokretanje postupka, kao i postupak za proglašenje rješenja o priznanju topografije ništavim. Poništenje rješenja o priznanju prava zaštite topografije nema retroaktivno djelovanje na pravosnažne sudske odluke u vezi s utvrđivanjem povrede prava, kao ni na sklopljene ugovore o prijenosu prava, odnosno ustupanju licence, ako su i u mjeri u kojoj su ti ugovori izvršeni, pod uslovom da je nosilac prava bio savjestan.

Članovi 25. do 31.

Članovi se odnose na prijelazne i završne odredbe, i propisuje se da se za ovlaštenja zastupanja, postupak za proglašavanje ništavim rješenja o priznanju prava, prestanak prava zaloga, izvršenje, stečaj, građanskopravna zaštita prava i carinske mjere na odgovarajući način primjenjuje Zakon o patentu. Nadalje, propisuju se uobičajene odredbe koje se odnose na donošenje provedbenih propisa, poštivanje drugih propisa i stupanje Zakona na snagu te početak njegove primjene.

III PRINCIPI NA KOJIMA SE ZAKON ZASNIVA

Principi na kojima se zasniva predloženi Zakon o topografijama poluprovodničkih proizvoda su: odgovornost, pouzdanost, pravna sigurnost, otvorenost i transparentnost, koji principi su i ključne odrednice dobre javne uprave. Implementiranje navedenih principa javnu upravu Bosne i Hercegovine približava evropskom modelu javne uprave i javnog upravljanja.

IV USAGLAŠENOST PROPISA S EVROPSKIM ZAKONODAVSTVOM

Zakon o zaštiti topografije integriranog kola („Službeni glasnik BiH“, broj 53/10) nije usaglašen s Direktivom Vijeća br. 1987/54/EEZ od 16. decembra 1986. godine o pravnoj zaštiti topografija poluprovodničkih proizvoda. Zakonom koji se predlaže izvršeno je usaglašavanje s pravnom stečevinom.

V FINANSIJSKA SREDSTVA ZA PROVOĐENJE ZAKONA

Za provođenje ovog zakona neće biti potrebna dodatna finansijska sredstva.

VI OPIS KONSULTACIJA VOĐENIH U POSTUPKU IZRADE ZAKONA

Primjenjujući kriterije navedene u Pravilima za konsultacije u izradi pravnih propisa („Službeni glasnik BiH“, br. 5/17 i 87/23) utvrđeno je da nacrt Zakona o topografijama poluprovodničkih proizvoda nije imao značajnijeg uticaja na javnost i da su se ispunile minimalne obaveze u pogledu obavljanja konsultacija.

Institut za intelektualno vlasništvo Bosne i Hercegovine je javne konsultacije u postupku pripreme Nacrta zakona o zaštiti topografija poluprovodničkih proizvoda obavio u periodu od 6.12.2023. godine do 4.1.2024. godine, putem web-stranice Instituta, www.ipr.gov.ba, i platforme *eKonsultacije*.

U navedenom periodu Institut za intelektualno vlasništvo BiH nije zaprimio prijedloge i/ili primjedbe na postavljeni dokument.

VII PRIBAVLJENA MIŠLJENJA

U procesu pripreme ovog zakona pribavljena su mišljenja Ureda za zakonodavstvo BiH, Ministarstva finansija i trezora BiH, Ministarstva pravde BiH, Ministarstva za ljudska prava i izbjeglice BiH, Direkcije za evropske integracije i Agencije za zaštitu ličnih podataka u BiH.



Broj: 05-07-1-1434-2/25
Sarajevo, 18. 6. 2025. godine

INSTITUT ZA INTELEKTUALNO VLASNIŠTVO BiH
- n/r direktoru -
Kneza Domagoja b. b., 88000 Mostar

PREDMET: Obavijest, dostavlja se


Vijeće ministara Bosne i Hercegovine, na 82. sjednici održanoj 16. 6. 2025. godine, razmotrilo je Nacrt zakona o zaštiti topografija poluvodičkih proizvoda te s tim u vezi zaključilo:

- usvaja se Prijedlog zakona o zaštiti topografija poluvodičkih proizvoda, uz prihvaćene korekcije;
- Zadužuje se Institut za intelektualno vlasništvo Bosne i Hercegovine da u suradnji s Uredom za zakonodavstvo Vijeća ministara Bosne i Hercegovine, sukladno korekcijama iznesenim kroz raspravu, uskladi i nomotehnički uredi Prijedlog zakona o zaštiti topografija poluvodičkih proizvoda i da ga putem Generalnog tajništva Vijeća ministara Bosne i Hercegovine dostavi Parlamentarnoj skupštini Bosne i Hercegovine, uz prijedlog i obrazloženje Instituta za intelektualno vlasništvo Bosne i Hercegovine da se razmatra po skraćenom zakonodavnom postupku sukladno poslovnici odredbama oba doma Parlamentarne skupštine Bosne i Hercegovine jer je Prijedlog zakona označen oznakom „EI“.

S poštovanjem,

DOSTAVLJENO:

- naslovu
- u spis broj: 05-02-1-1759/24
- a/a



Broj: 04-02-1-494/24
Sarajevo, 31.05.2024. godine
(FC-BH)

1.1-06-2024

BOSNA I HERCEGOVINA
INSTITUT ZA INTELEKTUALNO VLASNIŠTVO
Kneza Domagoja bb
MOSTAR

05-02-1-641-2/23

PREDMET: Mišljenje na Nacrt Zakona o zaštiti topografije poluvodičkih proizvoda

Veza **Vaš akt broj: 05-02-1-641-2/23SD od 20.05.2024. godine**

Ured za zakonodavstvo Vijeća ministara Bosne i Hercegovine, razmotrio je Nacrt Zakona o zaštiti topografije poluvodičkih proizvoda, te na osnovu člana 25. stav 1. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), daje

MIŠLJENJE

Institut za intelektualno vlasništvo Bosne i Hercegovine dostavio je Uredu za zakonodavstvo Vijeća ministara Bosne i Hercegovine **Nacrt Zakona o zaštiti ličnih podataka**, radi davanja mišljenja.

Ustavni osnov za donošenje predmetnog Zakona sadržan je u članu IV 4. a) prema kojem je Parlamentarna skupština Bosne i Hercegovine nadležna za donošenje zakona potrebnih za provedbu odluka Predsjedništva ili za vršenje funkcija Parlamentarne skupštine prema Ustavu Bosne i Hercegovine.

Razlozi za donošenje predloženog nacrt zakona, kako se navodi u obrazloženju, zasnivaju se na udovoljavanju svim zahtjevima koji proizlaze iz međunarodnih ugovora, sporazuma i konvencija koji obavezuju Bosnu i Hercegovinu, iz Direktive Vijeća br. 1987/54/EEZ, stvaranje realnih uslova za prilagođavanje privrede Bosne i Hercegovine savremenim privredama i stvaranje uslova za svestraniji razvoj Bosne i Hercegovine kao pretpostavke za njeno punopravno članstvo u Evropskoj uniji.

Cilj donošenja ovog zakona je približavanje evropskom pravnom sistemu zaštite prava intelektualnog vlasništva, a što za posljedicu ima ispunjavanje potrebnih uslova za integraciju Bosne i Hercegovine u jedinstveni sistem intelektualnog vlasništva Evropske unije.

Principi na kojima se zasniva predloženi Zakon jesu odgovornost, pouzdanost, pravna sigurnost, otvorenost i transparentnost.

Ured za zakonodavstvo konstatuje da je Institut za intelektualno vlasništvo dostavio uz nacrt Zakona Obrazac broj 1 – Prethodna procjena uticaja propisa koji je popunjen u skladu sa Jedinstvenim pravilima za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17, 70/17 i 10/21).

Također, uz predmetni materijal dostavljen je Izvještaj o održanim konsultacijama i Izjava o provedenim konsultacijama, a što je obaveza utvrđena odredbama čl. 21. i 22. Pravila za konsultacije u izradi pravnih propisa („Službeni glasnik BiH“, br. 5/17 i 87/23)

U pogledu dostavljenog teksta Nacrta Zakona o zaštiti topografije poluvodičkih proizvoda, **Ured za zakonodavstvo ukazuje sljedeće:**

- Brisati stranicu prije teksta nacrt Zakona kao suvišnu.
- Iznad naziva Zakona potrebno je dodati preambulu koja glasi:

„Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine na ____ sjednici Predstavničkog doma, održanoj ____ 2024. godine, i na ____ sjednici Doma naroda, održanoj ____ 2024. godine, usvojila je“
- u gorenjem desnom uglu iznad preambule pisati oznake „NACRT“ i „EI“,
- u nazivu riječ „ZAKON“ izdvojiti u poseban red, a preostali dio naziva Zakona pozicionirati u drugi red,
- u članu 1. stav (2) riječ „Direktive“ pisati u jednini, a u stavu (3) riječi „EU“ i „BiH“ pisati punim nazivom,
- stav (4) člana 1. izdvojiti kao zaseban član i pisati ga u skladu sa odredbom člana 44. Jedinstvenih pravila za izradu pravnih propisa u institucijama Bosne i Hercegovine,
- član 9. pisati prije člana 8., a shodno tome pomjeriti „DIO DRUGI – POSTUPAK ZA ZAŠTITU“,
- u članu 8. kod prvog navođenja Instituta, potrebno je isti navoditi punim nazivom, te nakon toga izvršiti njegovo skraćivanje i dosljedno koristiti kroz čitav tekst Zakona,
- u članu 9. stav (6) izvršiti skraćivanje naziva Suda Bosne i Hercegovine,
- Preispitati odredbu člana 23. u kontekstu posljedica poništenja pravnog akta i njegovog pravnog djelovanja prema drugim aktima.
- u članu 25. predvidjeti stav (2) kojim bi se predvidjelo da ranije započeti postupci zaštite topografija budu dovršeni po ranije važećem zakonu. Budući da ova mogućnost nije predviđena dostavljenim nacrtom, istu je važno adekvatno propisati i osigurati pravnu sigurnost za sve započete, a nedovršene postupke.
- U članu 26. stav (1) postojeći tekst izmijeniti na način da se jasno propiše da će sve pravilnike za provedbu ovog Zakona donijeti direktor Instituta, do dana početka njegove primjene.

- Stav (2) člana 26. brisati, jer stav (1) predstavlja pravni osnov za donošenje budućih pravilnika i prestanak važenja aktuelnih pravilnika propisat će se u prelaznim i završnim odredbama novih pravilnika. Shodno naprijed navedenom u članu 28. brisati pozivanje na prestanak važenja Pravilnika o postupku za priznanje topografije integrisanog kola.
- Stav (3) člana 26. izmijeniti na način da se jasno propiše koja institucija je obavezna predložiti izmjenu Zakona o administrativnim taksama, u kojem roku, a nakon toga navesti koja institucija će donijeti odluku o naknadama za posebne troškove postupka i u kojem roku. Sve navedeno je važno decidno navesti, jer će ova odredba predstavljati direktan pravni osnov za buduće propise.
- Naziv člana 27. izmijeniti tako da novi naziv glasi „(Prestanak rada Komisije za žalbe Instituta za intelektualno vlasništvo Bosne i Hercegovine)“, a tekst stava (1) pisati kako slijedi: „(1) Početkom primjene ovog Zakona Komisija za žalbe Instituta za intelektualno vlasništvo Bosne i Hercegovine (u daljnjem tekstu: Komisija) imenovana Odlukom Vijeća ministara Bosne i Hercegovine („Službeni glasnik BiH“, broj 20/23) prestaje s radom.“. Predvidjeti i novi stav (2) kojim bi se regulisao status podnesenih, a neriješenih žalbi do početka primjene novog zakona. U stavu (3) propisati da će Vijeće ministara Bosne i Hercegovine u što kraćem roku imenovati novu komisiju, u slučaju da postojećoj komisiji istekne mandat, a žalbe ne budu riješene u njihovom mandatu.
- Naziv člana 28. izmijeniti tako da novi naziv glasi: „(Prestanak važenja zakona)“, jer je uvažavajući ranije navedenu sugestiju za član 26. stav (2) brisano pozivanje na Pravilnik o postupku za priznanje topografije integrisanog kola.
- u nazivu člana 29. riječ „Zakona“ zamijeniti sa rječima „i primjena“, a u tekstu pomenutog člana na kraju rečenice riječ „datum“ zamijeniti sa „dana“,
- Za svaki podzakonski akt koji donosi direktor Instituta, potrebno je odrediti krajnji rok za njegovo donošenje.
- Na kraju teksta Zakona, potrebno je dodati dio koji se odnosi na datiranje i predviđena mjesta za potpis, kako slijedi:

Broj _____/24
 _____ 2024. godine
 Sarajevo


Predsjedavajući
 Predstavničkog doma
 Parlamentarne skupštine BiH

Predsjedavajući
 Doma naroda
 Parlamentarne skupštine BiH

Na kraju, Ured za zakonodavstvo ukazuje da je o predmetnom Nacrtu Zakona potrebno pribaviti mišljenja Ministarstva finansija i trezora Bosne i Hercegovine, Ministarstva vanjske trgovine i ekonomskih odnosa i Direkcije za evropske integracije, tako kompletiran materijal uputiti Vijeću ministara Bosne i Hercegovine u daljnju proceduru, a prilikom upućivanja prijedloga Zakona u daljnju proceduru Parlamentarnoj skupštini Bosne i Hercegovine, potrebno je pribaviti i mišljenja institucija i organizacija koje su konsultovane tokom izrade Nacrta Zakona.

Dostaviti:

- Naslovu,
- a/a.



Broj: 03-1-02-1-540-2/24
Datum: 18.6.2024. godine

INSTITUT ZA INTELEKTUALNU SVOJINU
BOSNE I HERCEGOVINE
Kneza Domagoja bb
88000 Mostar

BOSNA I HERCEGOVINA	
INSTITUT ZA INTELEKTUALNU SVOJINU	
BOSNE I HERCEGOVINE	
MOSTAR	
PRIMLJENO: 20-06-2024	
Broj prijema	Broj prijema
05-02-1-641-9	123

Predmet: Nacrt Zakona o zaštiti topografije poluprovodničkih proizvoda,
Mišljenje, *d o s t a v l j a s e*

Veza: Vaš akt broj: 05-02-1-641-2/23SD od 20.5.2024. godine

Agencija za zaštitu ličnih podataka u Bosni i Hercegovini (u daljem tekstu: Agencija), u prilogu akta broj i datum veze zaprimila je Nacrt Zakona o zaštiti topografije poluprovodničkih proizvoda (u daljem tekstu: Nacrt zakona), radi davanja mišljenja. Na osnovu člana 40. stav (1) tačka d) Zakona o zaštiti ličnih podataka, daje se sljedeće:

MIŠLJENJE

Zakon o zaštiti ličnih podataka („Službeni glasnik BiH“, broj: 49/06, 76/11 i 89/11) (u daljem tekstu: Zakon), je opšti propis koji reguliše obradu i zaštitu ličnih podataka i primjenjuje se na lične podatke koje obrađuju svi javni organi, fizičke i pravna lica, osim ako drugi zakon ne nalaže drugačije. Cilj Zakona je da se na teritoriji Bosne i Hercegovine svim licima, bez obzira na njihovo državljanstvo ili prebivalište, osigura zaštita ljudskih prava i osnovnih sloboda, a naročito pravo na privatnost i zaštitu podataka u pogledu obrade ličnih podataka koji se na njih odnose.

Prema članu 3. Zakona:

- *lični podaci* znače bilo koju informaciju koja se odnosi na fizičko lice koje je identifikovano ili se može utvrditi identitet lica;
- *nosilac podataka* je fizičko lice čiji se identitet može ustanoviti ili identifikovati, neposredno ili posredno, naročito na osnovu jedinstvenog matičnog broja te jednog ili više faktora karakterističnih za fizički, fiziološki, mentalni, ekonomski, kulturni ili socijalni identitet tog lica;
- *obrada ličnih podataka* podrazumijeva bilo koju radnju ili skup radnji koje se vrše nad podacima, bilo da je automatska ili ne, a posebno prikupljanje, unos, organizovanje, pohranjivanje, prerađivanje ili izmjenu, uzimanje, savjetovanje, korišćenje, otkrivanje prenosom, širenje ili na drugi način omogućavanje pristupa podacima, svrstavanje ili kombinovanje, blokiranje, brisanje ili uništavanje;
- *kontrolor* je svaki javni organ, fizičko ili pravno lice, agencija ili drugi organ koji samostalno ili s drugim vodi, obrađuje i utvrđuje svrhu i način obrade ličnih podataka na osnovu zakona ili propisa.

U članu 4. Zakona propisani su osnovni principi obrade ličnih podataka kojih su obavezni da se pridržavaju svi kontrolori u postupku obrade ličnih podataka. To su principi: pravičnosti i zakonitosti, svrhe, mjere i obima, tačnosti i autentičnosti, mogućnosti ispravke netačnih ličnih podataka, vremenskog perioda obrade ličnih podataka, forme u kojoj se čuvaju lični podaci te da se ne objedinjuju lični podaci prikupljeni u različite svrhe. Navedeni principi se moraju na adekvatan način primjeniti kod donošenja zakonskih i podzakonskih akata, kojima se reguliše obrada ličnih podataka.

Član 4. stav (1) tačka a) Zakona propisuje da je kontrolor obavezan da lične podatke obrađuje na pravičan i zakonit način.

Dakle, za svaku obradu ličnih podataka potrebno je da postoji adekvatan zakonski okvir, kojim se u najvećoj mjeri treba obezbijediti zaštita ličnih podataka.

Zakonski akt treba da reguliše što više pitanja u vezi sa obradom i zaštitom ličnih podataka, kao što je svrha obrade, vrste podataka koji se obrađuju, izvor podataka i način prikupljanja, rokove za brisanje podataka, te mjere za zaštitu ličnih podataka.

U vezi sa prethodno navedenim, a imajući u vidu da prema pojedinim odredbama Nacrta zakona proizilazi obrada ličnih podataka, istu je potrebno propisati u Nacrtu zakona.

Naime, prema članu 9. stav (2) i članu 11. stav (2) Nacrta zakona, proizilazi vođenje registra topografija, a da zahtjev za zaštitu topografije sadrži „podatke o podnosiocu prijave“ i „podatke o zastupniku podnosioca prijave, ako postoji“.

Iz navedenih odredbi ne može se zaključiti koji lični podaci će se obrađivati u registru, kao ni u zahtjevu za zaštitu topografije. (npr. Ime, prezime, adresa prebivališta)

Činjenica je da je u Nacrtu zakona propisano ovlaštenje za donošenje podzakonskog akta kojim bi se detaljnije propisao sadržaj i način vođenje registra i zahtjeva za priznanje prava na zaštitu topografije.


Međutim, da bi se osigurala pravičnost i zakonitost obrade ličnih podataka te spriječila svaka proizvoljnost i povreda prava na privatnost, zakonski akt treba da reguliše što više pitanja u vezi sa obradom i zaštitom ličnih podataka, kao što je svrha obrade, vrste podataka koji se obrađuju, izvor podataka i način prikupljanja, rokove za brisanje podataka, te mjere za zaštitu ličnih podataka.

Shodno navedenom, mišljenja smo da Nacrt zakona treba dopuniti na način da se u najvećoj mogućoj mjeri reguliše obrada ličnih podataka, na način da se barem propišu vrste ličnih podataka koji će biti sadržani u registru i zahtjevu za priznanje prava na zaštitu topografije

S poštovanjem,

Dostavljeno

- Naslovu
- Spis predmeta



DIREKTOR

Dragoljub Reljić



Broj: 03/B-06-2-LBK-652-3/24

Sarajevo, 10.06.2024. godine

BOSNA I HERCEGOVINA
INSTITUT ZA INTELEKTUALNO VLASNIŠTVO
Kneza Domagoja
88 000 Mostar

BOSNA I HERCEGOVINA INSTITUT ZA INTELEKTUALNO VLASNIŠTVO BOSNANSTVO	
PRIMLJENO:	
Organizaciona jedinica	Broj
05-02-1-641-4/24SD	27.06.2024.

Predmet: Mišljenje o usklađenosti Nacrta Zakona o topografiji poluvodičkih proizvoda s *acquis-em*, dostavlja se

Veza: Vaš akt broj: 05-02-1-641-4/24SD od 24.05.2024. godine

Na osnovu člana 18. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17), člana VI Odluke o Direkciji za evropske integracije („Službeni glasnik BiH“, br. 41/03) i člana 6. Odluke o postupku usklađivanja zakonodavstva Bosne i Hercegovine s pravnom stečevinom Evropske unije („Službeni glasnik BiH“, br. 75/16, 2/18 i 32/23), Direkcija za evropske integracije daje sljedeće:

MIŠLJENJE

Nacrtom Zakona o topografiji poluvodičkih proizvoda (u daljnjem tekstu: Nacrt zakona) uređuju se topografije poluvodičkih proizvoda, uvjeti zaštite topografija poluvodičkog proizvoda, prava njezinog stvaratelja, odnosno stvarateljevog poslodavca ili osobe koja je naručila njezinu izradu, kao i način i ostvarivanje toga prava.

Direkcija podsjeća da se Bosna i Hercegovina, u skladu sa članom 73. Sporazuma o stabilizaciji i pridruživanju između Evropskih zajednica i njihovih država članica, s jedne strane, i Bosne i Hercegovine s druge strane („Službeni glasnik BiH – Međunarodni ugovori“, br. 10/08, 1/17 i 8/17), obavezala da će poduzeti sve nužne mjere, kako bi od 01.07.2013. godine jamčila razinu zaštite prava intelektualnog vlasništva, industrijskog i trgovačkog vlasništva sličnu onoj koja postoji u Evropskoj uniji.

U odnosu na predmet Nacrta zakona navedena oblast je regulisana sljedećim propisima Evropske unije:

- Direktivom Vijeća 87/54/EEZ o pravnoj zaštiti topografija poluvodičkih proizvoda
- Direktivom 2004/48/EZ Evropskog parlamenta i Vijeća o provedbi prava intelektualnog vlasništva.

Direkcija ukazuje da je u Izvještaju o Bosni Hercegovini za 2023. godinu Evropska komisija istakla da, u okviru prava industrijskog vlasništva, potrebno je dodatno usklađivanje između

ostalog i u oblasti topografije poluvodičkih proizvoda. Naime, kako se navodi i u Obrazloženju Nacrta zakona, Zakonom o topografijama integriranog kruga („Službeni glasnik BiH“, broj 53/10) propisan je različit predmet zaštite u odnosu na Direktivu 87/54/EEZ, tekst pojedinih odredbi nije precizan, sadržana je terminologija koja nije usklađena sa Direktivom 87/54/EEZ itd.

Institut za intelektualno vlasništvo je uz Nacrt zakona dostavio popunjene instrumente za usklađivanje, a u skladu sa odredbama člana 4. stav (1) Odluke o postupku usklađivanja zakonodavstva Bosne i Hercegovine s pravnom stečevinom. Također, u skladu sa članom 3. stav (2) tačka b) Odluke izvršena je stručna redaktura tabele stručnih termina, te je primjena usaglašenih termina obavezujuća.

Nakon izvršena analize Direkcija konstatuje da su Nacrtom zakona preuzete sve odredbe Direktive Vijeća 87/54/EEZ osim dijela člana 3. koji se odnosi na države članice. Tretman stranih pravnih i fizičkih lica uređen je na način da se poštuje princip ravnopravnosti domaćih i stranih fizičkih i pravnih lica u pogledu zaštite kada to proizlazi iz međunarodnih ugovora koje obavezuju Bosnu i Hercegovinu ili iz načela uzajamnosti. Usklađivanje sa Direktivom 2004/48/EZ osigurava se upućivanjem na sukladnu primjenu odredbi Zakona o patentima u pogledu građanskopravne zaštite.

Usvajanje Nacrta zakona doprinosi ispunjavanju zahtjeva Evropske komisije u smislu dodatnog usklađivanja u oblasti topografija poluvodičkih proizvoda, kao i obaveza koje proizilaze iz Sporazuma o stabilizaciji i pridruživanju.



Prilozi:

- Ovjerena izjava o usklađenosti
- Tabela stručnih termina

Dostavljeno:

1. Naslovu
2. a/a

IZJAVA O USKLADENOSTI		
Identifikacijski broj izjave:		HP-IU/NZ/275/23
1. Podaci o obrađivaču propisa	Naziv institucije	Institut za intelektualno vlasništvo BiH
	Sektor/Odsjek	Sektor za razvoj sustava intelektualnog vlasništva
2. Naziv propisa		Nacrt Zakona o zaštiti topografija poluvodičkih proizvoda Draft Law on the Protection of Topographies of Semiconductor Products
3. Usklađenost propisa s odredbama Sporazuma o stabilizaciji i pridruživanju		
3.1.	Odredba Sporazuma	Glava VII Usklađivanje zakona, provedba zakona i pravila tržišnog natjecanja; Članak 73. Pravo intelektualnog, industrijskog i trgovačkog vlasništva
3.2.	Ocjena ispunjenosti obveza iz navedene odredbe Sporazuma	Djelomično ispunjava
3.3.	Razlozi za djelomično ispunjavanje odnosno neispunjavanje obveza iz navedene odredbe Sporazuma i rok u kojem je predviđeno postizanje potpune usklađenosti	Potpuno usklađivanje će se izvršiti na odgovarajući način u tijeku pristupanja Europskoj uniji.
4. Veza propisa sa Programom integriranja (PI)		
4.1.	PI za razdoblje	/
4.2.	Poglavlje, poglavlje	/
4.3.	Rok za donošenje propisa	/
4.4.	Napomena	/
5. Usklađenost propisa s pravnom stečevinom EU		
5.1.	Primarni izvori prava EU i stupanj usklađenosti	Ugovor o funkcioniranju Europske unije (pročišćeni tekst 2016.); Dio treći Politike i unutarnje djelovanje Unije; Glava VII. Zajednička pravila o konkurenciji, oporezivanju i usklađivanju prava; Poglavlje 3. Usklađivanje zakonodavstva, članak 114. Treaty on the Functioning of the European Union (Consolidated version 2016.); Part Three Union Policies and Internal Actions; Title VII Common rules on competition, taxation and approximation of laws; Chapter 3 Approximation of laws, Article 114.

		Djelomično usklađeno
5.2.	Sekundarni izvori prava EU	Direktiva Vijeća 87/54/EEZ od 16. prosinca 1986. o pravnoj zaštiti topografija poluvodičkih proizvoda (SL L 24, 27.1.1987), CELEX broj: 31987L0054 Council Directive 87/54/EEC of 16 December 1986 on the legal protection of topographies of semiconductor products (OJ L 24, 27.1.1987), CELEX no. 31987L0054 Direktiva 2004/48/EZ Europskog parlamenta i Vijeća od 29. travnja 2004. o provedbi prava intelektualnog vlasništva, (SL L 157, 30.4.2004), CELEX broj: 32004L0048, posljednja pročišćena verzija 30.4.2004. Directive 2004/48/EC of the European Parliament and of the Council of 29 April 2004 on the enforcement of intellectual property rights, (OJ L 157, 30.4.2004), CELEX no. 32004L0048, latest consolidated version 30.4.2004
5.3.	Stupanj usklađenosti sa sekundarnim izvorima prava	Djelomično usklađeno
5.4.	Razlozi za djelomičnu usklađenost ili neusklađenost	Potpuno usklađivanje će se izvršiti na odgovarajući način u tijeku pristupanja Europskoj uniji.
5.5.	Rok za potpuno usklađivanje	
5.6.	Ostali izvori prava EU	
6.	Da li je osiguran prijevod pravnih izvora na službene jezike u uporabi u BiH?	Da
7.	Da li je propis preveden na engleski jezik?	Da
	Rukovoditelj tijela uprave: Ravnatelj Instituta za intelektualno vlasništvo BiH Potpis Josip Medić	Direktor Direkcije za evropske integracije Potpis Dževra Habota
	Datum i pečat: 24.5.2024. godine	Datum i pečat:

03-06-2-652-2/24

TABELA STRUČNIH TERMINA

Naziv propisa (BHS)	Zakon o zaštiti topografija poluvodičkih proizvoda
Naziv propisa (EN)	Law on Protection of Topographies of Semiconductive Products
CEL EX brojevi pravnih akata EU	31987L0054 (verzija od 16.12.1986.)

Oblast	unutrašnje tržište – intelektualno vlasništvo
--------	---

Terminologija	Amra Hodžić, februar 2024.	033 255 017, amra.hodjic@del.egov.ba
Stručna redakтура		

1.	2.	3.	4.	5.	6.	7.	8.
termin iz propisa EU na engleskom jeziku (EUR-Lex)	termin iz propisa EU na hrvatskom jeziku (EUR-Lex)	mjesto na kojem se termin nalazi u propisu (a): član, slav, i sl.	prijedlog prijevoda termina na službene jezike u upotrebi u BiH (DEI)	mjesto na kojem se termin nalazi u propisu BiH: član, slav, i sl.	prijedlog prijevoda termina na službenim jezicima u upotrebi u BiH (stručni redaktor)	razlog za izmjenu i drugi komentari (stručni redaktor)	usaglašeni termin na službenim jezicima u upotrebi u BiH
semiconductor product	poluvodički proizvod	član 1, tačka (a)	BS poluvodički proizvod	član 2, (1)	BS		BS poluvodički proizvod
			HR poluvodički proizvod		HR		HR poluvodički proizvod
			SR полупроводнички производ		SR		SR полупроводнички производ
topography	topografija	član 1, tačka (b)	BS topografija	član 2, (2)	BS		BS topografija
			HR topografija		HR		HR topografija
			SR топографија		SR		SR топографија

commercial exploitation	komercijalno iskorišćavanje	član 1, tačka (c)	BS		član 2, (3)	BS			BS	
			HR	komercijalna upotreba		HR			HR	komercijalna upotreba
			SR	komercijalna upotreba		SR			SR	komercijalna upotreba



BOSNIA AND HERZEGOVINA
MINISTRY OF FINANCE
AND TREASURY

Број: 05-02-2-3772-2/24
Сарајево, 28.5.2024.године

БОСНА И ХЕРЦЕГОВИНА
Институт за интелектуалну својину
Босне и Херцеговине
Кнеза Домагоја бб
88000 Мостар



BOSNA I HERCEGOVINA
INSTITUT ZA INTELEKTUALNO VLASNIŠTVO
BOSNE I HERCEGOVINE
MOSTAR

PRIMLJENO:			
Prilazak	Prilazak	Prilazak	Prilazak
05-02-1-641-3/23	05-02-1-641-3/23	05-02-1-641-3/23	05-02-1-641-3/23

Предмет: Мишљење на нацрт Закона о заштити топографије полуводичких производа.
Веза: Ваш акт број:05-02-1-641-3/23СД од 21.5.2024. године

Везано за ваш допис, број наведен у вези, а којим се тражи Мишљење на нацрт Закона о заштити топографије полуводичких производа, у складу са одредбама члана 31. став (1) тачка е) Пословника о раду Савјета министара Босне и Херцеговине („Службени гласник БиХ“, број 22/03), дајемо

МИШЉЕЊЕ

- Актом наведеним у вези, Институт за интелектуалну својину Босне и Херцеговине је, ради прибављања Мишљења о финансијском аспекту Закона, Министарству финансија и трезора Босне и Херцеговине доставио нацрт Закона о заштити топографије полуводичких производа, којим се уређују топографије полуводичких производа. Полуводички производи у смислу овог Закона подразумевају готов производ или међупроизвод намијењен за извршење одређене електроничке функције, искључиво или заједно с другим функцијама, који се састоји од слоја полуводичког материјала и од једног или више других слојева проводног, изолацијског или полуводичког материјала, распоређених са унапријед утврђеним тродимензионалним узорком. Осим топографије полуводичких производа, Законом се уређују и права ствараоца полуводичких производа, ствараоцевог послодавца или лица које је наручило његову израду, као и начин остваривања тога права.
- Министарство финансија и трезора Босне и Херцеговине размотрило је нацрт Закона и Образложење достављено у прилогу акта наведеног у вези те констатовало следеће:
 - у дијелу Образложења, који се односи на финансијска средства (тачка V- Финансијска средства за провођење Закона) наведено је да за провођење овог Закона нису потребна додатна финансијска средства;
 - Предлагач - носилац нормативног посла у прилогу је доставио Образац који је прописан у Анексу I - члану 12. Јединствених правила за израду правних прописа у институцијама Босне и Херцеговине („Службени гласник БиХ“, бр. 11/05, 58/14, 60/14, 50/17, 70/17 и 10/21) и то ОФП НЕ којим је у цијелости искључен утицај предметног Закона на буџете у Босни и Херцеговини.

Слиједом констатованог у тачки 2. овог мишљења, Министарство финансија и трезора Босне и Херцеговине нема примједби на финансијски аспект нацрта Закона о заштити топографије полуводичких производа.

С поштовањем,

ПРИЛОГ

-Образац број 2а о фискалној процјени утицаја.

МИНИСТАР
Др Срђан Амиџић

OBRAZAC broj 2a O FISKALNOJ PROCJENI UTICAJA

Obrazac OFP-NE

ODJELJAK A. Nosilac normativnog posla
Razdjel

KOD	NAZIV
0814	Institut za intelektualno vlasništvo

ODJELJAK B. Osnovni podaci o propisu

Vrsta propisa	Ustav	Ne	Poslovnik	Ne	Pravilnik	Ne
	Sporazum	Ne	Odluka	Ne	Drugi opći pravni akt	Ne
	Zakon	Da	Uputstvo	Ne		



Naziv propisa
 Nacrt Zakona o zaštiti topografija poluvodičkih proizvoda

ODJELJAK C. Izjava o nepostojanju dodatnih fiskalnih uticaja na budzet
 Za provođenje ovog Zakona nisu potrebna dodatna sredstva u proračunu Bosne i Hercegovine, proračunima entiteta i proračunima nižih organa vlasti.

ODJELJAK D. Potpis i potpis odgovornog lica i mjesto
 Mjesto i datum 21.05.2024

Potpis rukovodioca nosioca normativnog posla

ODJELJAK E. Mišljenje Ministarstva finansija i trezora





Broj: 09-02-4-4776/24
Sarajevo, 3.6.2024. godine

BOSNA I HERCEGOVINA
INSTITUT ZA INTELEKTUALNO VLASNIŠTVO
Kneza Domagoja bb
88000 Mostar

05-02-1-641-2/23SD

PREDMET: Mišljenje, dostavlja se

Veza: vaš akt broj: 05-02-1-641-2/23SD od 20.5.2024. godine

U vezi vašeg akta, broj i datum gornji, kojim od ovog ministarstva tražite mišljenje na Nacrt zakona o zaštiti topografija poluvodničkih proizvoda (u daljnjem tekstu: Nacrt zakona), Ministarstvo pravde Bosne i Hercegovine je isti razmotrilo, te temeljem članka 31. stavak 1. točka b) Poslovnika o radu Vijeća ministara Bosne i Hercegovine („Službeni glasnik BiH“, broj 22/03) daje

MIŠLJENJE

U Nacrtu zakona nedostaje preambula i istu je potrebno uvrstiti sukladno članku 5. Jedinствених правила за израду правних прописа у институцијамa Босне и Херцеговине („Службени гласник БиХ“, бр. 11/05, 58/14, 60/14, 50/17 и 70/17).


У чланку 18. ставак (1) Нacrта закона наведено је да особу која при стјецанју полуводичког производа није знала или је имала оправдани разлог вјеровати да је ријеч о производу на којем постоји туђе право на заштиту топографије, не може се спријечити да комерцијално користи тај производ. Предметна одредба је нелогична, јер право на комерцијално коришћење производа допушта и особама које су имале оправдан разлог вјеровати да је производ заштићен. Мишљења смо да је предметну одредбу потребно коригирати у смислу да особа није знала или није имала оправдан разлог вјеровати да је ријеч о производу на којем постоји туђе право на заштиту топографије.

У погледу питања која се односе на санкције, организацију и функционирање тијела управе Босне и Херцеговине и њихове међусобне односе на остали текст Нacrта закона Министарство правде Босне и Херцеговине нема примједби.

С поштовањем,

DOSTAVLJENO:


- Naslovu,
- a/a.





BOSNIA AND HERZEGOVINA
Ministry for Human Rights and Refugees

Broj:01-02-2-1469-2/24
Datum: 24.5.2024. godine



BOSNA I HERCEGOVINA
Institut za intelektualno vlasništvo
n/r gđin Josip Merdžo, direktor

PROJEKTOVANJE			
Broj projekta	Broj dokumenta	Datum	Stranica
05-02-1-641-2/23SD			

PREDMET: Mišljenje na Nacrt zakona o zaštiti topografije poluvodičkih proizvoda, dostavlja se

VEZA: Vaš akt broj 05-02-1-641-2/23SD od 20.5.2024. godine

Poštovani,

Ministarstvo za ljudska prava i izbjeglice Bosne i Hercegovine, u smislu odredbe člana 31. stav (1) tačka c) Poslovnika o radu Vijeća ministara Bosne i Hercegovine („Službeni glasnik BiH“, broj 22/03), razmotrilo je Nacrt zakona o zaštiti topografije poluvodičkih proizvoda, te daje sljedeće

MIŠLJENJE

Nacrt zakona je izrađen u cilju usaglašavanja zakonske regulative sa normama, odnosno zakonodavstvom Evropske unije.

Ministarstvo za ljudska prava i izbjeglice Bosne i Hercegovine daje mišljenje u pogledu usklađenosti s propisima o ostvarivanju građanskih prava i sloboda i osnovnih sloboda međunarodnog humanitarnog prava, te prati provedbu Zakona o zabrani diskriminacije i daje mišljenje na usaglašenost propisa sa Zakonom o zabrani diskriminacije.

U vezi s naprijed navedenim mišljenja smo da Nacrt zakona o zaštiti topografije poluvodičkih proizvoda nije u suprotnosti s odredbama Evropske konvencije za zaštitu ljudskih prava i osnovnih sloboda i njezinih pratećih protokola i drugih međunarodnih ugovora iz oblasti ljudskih prava kojih je Bosna i Hercegovina potpisnica.

Kada je u pitanju usaglašenost sa odredbama Zakona o zabrani diskriminacije, mišljenja smo da bi predloženi Nacrt zakona trebao sadržavati definiciju diskriminacije, promovirati princip jednakosti i zabrane diskriminacije.


U skladu sa članom 26. stav (1) tačka f) Zakona o ravnopravnosti spolova u BiH („Službeni glasnik BiH“ broj 32/10) Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH, u postupku pripreme nacrtu i prijedloga zakona, podzakonskih i drugih normativnih akata, strategija, planova i programa daje mišljenje o usaglašenosti navedenih akata sa Zakonom o ravnopravnosti spolova u BiH i međunarodnim standardima o ravnopravnosti spolova.

U skladu sa tim, Ministarstvo za ljudska prava i izbjeglice Bosne i Hercegovine daje **pozitivno mišljenje** na Nacrt zakona o zaštiti topografije poluvodičkih proizvoda Instituta za intelektualno vlasništvo BiH.

S poštovanjem,

Dostavljeno:

- ● naslovu
- a/a



Broj: 05-02-1-641-1/23SD
Mostar, 9.1.2024. godine

Na temelju članka 22. Pravila za konzultacije u izradi pravnih propisa („Službeni glasnik BiH“, br. 5/17 i 87/23), Institut za intelektualno vlasništvo Bosne i Hercegovine na Nacrt Zakona o zaštiti topografije poluvodičkih proizvoda, d a j e

IZJAVU

1.	Minimalne obveze u pogledu konzultacija	Ispunjene su minimalne obveze u pogledu obavljanja konzultacija
2.	Obrazloženje zaključka da li pravni propis ili drugi akt ima značajnog uticaja na javnost ili ne, s obrazloženjem	Nacrt Zakona o zaštiti topografije poluvodičkih proizvoda nema značajnijeg utjecaja na javnost (primjenjujući kriterije navedene u člancima od 9. do 13. Pravila za konzultacije u izradi pravnih propisa)
3.	Obrazloženje odluke o obliku dodatnih konzultacija i opis dodatnih konzultacija koje su izvršene	Institut za intelektualno vlasništvo Bosne i Hercegovine je javne konzultacije u postupku pripreme Nacrta Zakona o zaštiti topografije poluvodičkih proizvoda obavio u periodu od 6.12.2023. godine do 4.1.2024. godine, putem web stranice Instituta, www.ipr.gov.ba , i platforme e-konzultacije.
4.	Dostavljanje izvješća o provedenim konzultacijama iz članka 21. Pravila za konzultacije u izradi pravnih propisa	U navedenom periodu Institut za intelektualno vlasništvo BiH nije zaprimio prijedloge i/ili primjedbe na postavljeni dokument

ravnatelj
Josip Merdžo

WEB: www.ipr.gov.ba; e-mail: info@ipr.gov.ba
Sjedište: 88000 Mostar, Kneza Domagoja bb.; e-mail: mostar@ipr.gov.ba; Fax: +387 36 31 84 20
Tel: Protokol +387 36 33 43 81; Ured ravnatelja i zamjenika ravnatelja +387 36 33 43 82 (Mostar)
Ispostava Sarajevo: 71000 Sarajevo, Bulevar Meše Selimovića 96, Izmela C – 3.kat; e-mail: sarajevo@ipr.gov.ba
Fax: +387 33 65 27 57; Tel: Protokol +387 33 65 27 65;
Ispostava Banja Luka: 78000 Banja Luka, Akademika Jovana Surutke 13/3; e-mail: banjaluka@ipr.gov.ba; Fax: +387 51 22 88 41; Tel: +387 51 22 88 40
Odjeljenja: Nacionalni žig, Međunarodni žig +387 33 65 27 98; Patenti +387 33 61 80 95, +387 36 33 43 81;
Industrijski dizajn, Autorsko i srodna prava +387 36 33 43 81;



IZJAVA O SVRHU I PODACI O KONSULTACIJI

TEMA: Nacrt Zakona o zaštiti topografija poluvodičkih proizvoda

IZJAVA O SVRHU: Budući da je Bosna i Hercegovina, u okviru procesa stabilizacije i pridruživanja Evropskoj uniji, kako je propisano odredbom članka 71. Sporazuma o stabilizaciji i pridruživanju, obavezna zajamčiti razinu zaštite intelektualnog vlasništva sličnu razini koja postoji u Evropskoj uniji, pa tako i uskladiš propise u području zaštite topografija poluvodičkih proizvoda, ocijenjeno je da je potrebno donijeti novi Zakon o zaštiti topografija poluvodičkih proizvoda kojim bi se postigao potreban stupanj usklađenosti s Direktivom Vijeća br. 1987/54/EEZ od 16. prosinca 1986. godine o pravnoj zaštiti topografija poluvodičkih proizvoda.

OPIS TOKA KONSULTACIJE

Metode konzultacija	Statistika
Online konzultacije	Broj učesnika: 0
Datum početka 6.12.2023.	Broj komentara: 0
Datum kraja 4.1.2024.	Broj prijedloga: 0
	Broj prihvaćenih i djelimično prihvaćenih prijedloga: 0

ZAKLJUČAK:

Provedene su minimalne obaveze glede konzultacija jer je primjenom kriterija iz odredaba Pravila za konzultacije u izradi pravnih propisa ("Službeni glasnik BiH", br. 5/17, 87/23) procijenjeno da se ne radi o pravnom propisu koji ima značajan utjecaj na javnost. Proces javnih konzultacija obavljen je u periodu od 6.12.2023. do 4.1.2024. godine. U tom je razdoblju Nacrt Zakona o zaštiti topografija poluvodičkih proizvoda bio dostupan na web platformi "eKonzultacije" uz mogućnost dostavljanja komentara i prijedloga elektroničkim putem. U gore navedenom periodu nije zaprimljen niti jedan prijedlog/komentar na tekst Nacrta Zakona o zaštiti topografija poluvodičkih proizvoda.

VODITELJ KONSULTACIJE

Daliborka Soldo

Koordinator konzultacija

Mario Babić

Sarajevo, dana 8.1.2024.

OBRAZAC broj 1 – PRETHODNA PROCJENA UČINAKA PROPISA
(INSTITUT ZA INTELEKTUALNO VLASNIŠTVO BOSNE I HERCEGOVINE)

Broj: 05-07-2-420-5/23

Mostar, 15.9.2023.

NOSITELJ NORMATIVNOG POSLA

Institut za intelektualno vlasništvo
Bosne i Hercegovine

VRSTA PROPISA

c) zakon

NAZIV PROPISA

Nacrt Zakona o zaštiti topografije
poluvodičkih proizvoda

1. Navedite pravni osnov za donošenje propisa.

Pravni osnov za donošenje propisa sadržan je u:

a) članku 38. stavku (4) a u vezi sa Aneksom VI Privremenog Sporazuma o stabilizaciji i pridruživanju (SAA) kojim je Bosna i Hercegovina preuzela obvezu da će poduzeti sve neophodne mjere kako bi najkasnije pet godina nakon stupanja na snagu SAA garantirala nivo zaštite prava intelektualnog, industrijskog i trgovinskog vlasništva sličan onome koji postoji u Zajednici, uključujući i djelotvorna sredstva za ostvarivanje takvih prava. Nadalje, u članku 30. stavak (2) Zakona o vanjskotrgovinskoj politici BiH („Službeni glasnik BiH“, br. 7/98 i 35/04) kojim je utvrđeno da su aspekti prava intelektualnog vlasništva vezani za vanjsku trgovinu u nadležnosti institucija BiH, članku 7. Zakona o osnivanju Instituta za intelektualno vlasništvo Bosne i Hercegovine („Službeni glasnik BiH“, br. 43/04) prema kojem je Institut za intelektualno vlasništvo Bosne i Hercegovine nadležan za pripremanje bilateralnih i multilateralnih sporazuma, konvencija, aranžmana, zakona i drugih propisa iz područja intelektualnog vlasništva pa tako i za vođenje upravnog postupka za stjecanje, održavanje, promet i prestanak prava na topografiju.

2. Da li je nacrt, nacrt ili prijedlog propisa u skladu sa strateškim dokumentima, politikama i prioritetima Vijeća ministara i Parlamentarne skupštine Bosne i Hercegovine, i ako da, navedite s kojim?

Donošenje novog Zakona koji regulira pitanje planova rasporeda poluvodičkih proizvoda u skladu je s Programom rada Instituta za intelektualno vlasništvo Bosne i Hercegovine kojim su utvrđene aktivnosti u cilju unaprijeđenja sustava zaštite i provedbe prava intelektualnog vlasništva u BiH i s Akcijskim planom Vijeća ministara BiH.

3. U skladu s člankom 9. Aneksa I. ukratko opišite stanje i problem koji se namjerava riješiti.

Privremenim Sporazumom o stabilizaciji i pridruživanju (SAA) Bosna i Hercegovina se obvezala da će poduzeti sve neophodne mjere koje bi garantirale da je nivo zaštite intelektualnog, industrijskog i trgovinskog vlasništva sličan onome koji postoji u Zajednici, uključujući i djelotvorna sredstva za ostvarivanje takvih prava. Propis koji je trenutno na snazi Zakon o zaštiti topografija integriranog kruga („Službeni glasnik“ BiH 53/10) terminološki je neusklađen s Direktivom Vijeća od 16. prosinca 1986. o pravnoj zaštiti topografija poluvodičkih proizvoda (87/54/EEZ) radi čega je bilo nužno izraditi ovaj Nacrt u koji je implementirana standardna terminologija te tako postiže usklađenost s pravnom stečevinom EU i razinu razumljivosti sukladno uobičajenoj terminologiji koja se koristi u proizvodnji poluvodiča.

4. Ukoliko imate saznanja da je isti problem postojao u zemljama Europske unije, odnosno susjednim zemljama ukratko navedite na koji način je riješen. Navedite najmanje dvije zemlje Europske unije i dvije susjedne zemlje. Sve zemlje članice Europske unije koriste terminologiju sukladno citiranoj direktivi. RSrbija i RCrna Gora primjerice u svoje zakonodavstvo uvrstile su terminologiju koja je uobičajena u pravnoj stečevini EU.

5. Utvrdite opći cilj u skladu sa člankom 10. Aneksa I.

Opći cilj/principi razvoja: *Pametna rast*, sadržan je u Srednjoročnom planu razvoja Instituta za intelektualno vlasništvo BiH, koji sadrži i aktivnosti neophodne za zaključivanje i primjenu sporazuma s drugim zavodima za industrijsko vlasništvo i suradnju s međunarodnim organizacijama koje participiraju u sustavu zaštite industrijskog vlasništva.

6. Navedite u nekoliko točaka ključna pitanja/mjere koje će biti obuhvaćene propisom ili provedene putem nenormativnih aktivnosti i mjera.

Novim Zakonom o topografiji poluvodičkih proizvoda područje zaštite topografija u Bosni i Hercegovini u najvećoj mogućoj mjeri se usklađuje s aktualnom pravnom stečevinom EU i ispunjava obveza iz članka 38. Privremenog SAA odnosno članka 73. SAA, prema kojem se Bosna i Hercegovina obvezala da će poduzeti sve potrebne mjere kao garanciju da će zaštita prava intelektualnog, industrijskog i trgovinskog vlasništva biti slična zaštiti tih prava u Europskoj uniji, uključujući i djelotvorna sredstva za provedbu tih mjera. Nadalje, ukinut je drugostupanjski postupak u svim postupcima za priznanje prava industrijskog vlasništva pa tako i postupku za registraciju topografije, slijedom čega će stranka koja smatra da je odlukom Instituta povrijeđeno njeno pravo morati pokrenuti upravni spor.

7. Ukratko opišite postupak i rezultate prethodnih konzultacija u skladu sa člankom 6. stavak (5) i po potrebi člankom 20. Aneksa I.

Institut za intelektualno vlasništvo BiH je temeljem članka 7. Pravila za konzultacije u izradi pravnih propisa („Službeni glasnik BiH“, br. 52/17) obavio javne konzultacije u postupku Programa rada za 2024. godinu. Javne konzultacije su obavljene u razdoblju od 1.8 - 16.8.2023. godine, putem web stranice Instituta i platforme e-konzultacije. U postupku konzultacija nisu zaprimljeni prijedlozi i/ili primjedbe na tekst Programa rada kojim je predviđena aktivnost usvajanja predmetnog zakona. Javne konzultacije za tekst Zakona obaviti će se u narednom periodu.

8. Procjena učinaka ključnih pitanja/mjera iz točke 6. ovog obrasca u fiskalnom, ekonomskom, socijalnom i okolišnom smislu: (DA – značajan ili vrlo značajan učinak ili NE – vjerojatno mali učinak)

a) Da li jedno ili više ključnih pitanja/mjera iz točke 6. ovog obrasca može ili ne može imati značajan ili vrlo značajan učinak na proračun Bosne i Hercegovine, proračune entiteta, kantona, Brčko distrikta Bosne i Hercegovine i jedinica lokalne samouprave?	vrlo mali učinak	NE
b) Da li jedno ili više ključnih pitanja/mjera iz točke 6. ovog obrasca može ili ne može imati značajan ili vrlo značajan ekonomski učinak iz članka 13. Aneksa I.?	vrlo mali učinak	NE
c) Da li jedno ili više ključnih pitanja/mjera iz točke 6. ovog obrasca može ili ne može imati značajan ili vrlo značajan socijalni učinak iz članka 14. Aneksa I.?	vrlo mali učinak	NE
d) Da li jedno ili više ključnih pitanja/mjera iz točke 6. ovog obrasca može ili ne može imati značajan ili vrlo značajan okolišni učinak iz članka 15. ovog Aneksa I?	vrlo mali učinak	NE
e) Da li će jedno ili više ključnih pitanja/mjera zahtijevati provedbu administrativnih postupaka vezano za interesne strane i sa kojim ciljem i hoće li navedena rješenja dodatno povećati upravne prepreke za poslovanje?	vrlo mali učinak	NE
f) Da li će za provedbu jednog ili više ključnih pitanja/mjera iz točke 6. ovog obrasca biti potrebno osnivanje novih ili reorganiziranje postojećih tijela Bosne i Hercegovine ili će biti potrebna suradnja više tijela uprave Bosne i Hercegovine, entiteta, kantona, Brčko distrikta Bosne i Hercegovine i jedinica lokalne samouprave?	vrlo mali učinak	NE

Na temelju prethodne procjene učinaka propisa utvrđeno je da **POSTOJI – NE POSTOJI** potreba provedbe postupka sveobuhvatne procjene učinaka propisa.

